



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2023. godine

Na osnovu člana 26. stav 1. tačka 2. i člana 74. stav (1) Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj dana __. __. 2023. godine, primilo je k znanju

Informaciju o realizaciji vijećničkih pitanja i inicijativa

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O REALIZACIJI VIJEĆNIČKIH PITANJA I INICIJATIVA

Predlagač: Gradonačelnica

Obrađivač: Stručna služba za poslove kabineta i
poslove Gradske uprave

Sarajevo, januar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o realizaciji vijećničkih pitanja i inicijativa

I UVOD

Programom rada Gradskog vijeća Grada Sarajeva za 2023. godinu za mjesec januar, planirano je razmatranje Informacije o realizaciji vijećničkih pitanja i inicijativa.

Informacija sadrži pregled odgovora na vijećnička pitanja i realizaciju vijećničkih inicijativa.

Članom 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20 i 19/20), propisano je sljedeće:

„Član 148.

(1) Svaki gradski vijećnik, klub vijećnika ili radno tijelo Gradskog vijeća mogu postaviti vijećničko pitanje ili inicijativu određenom subjektu.

(2) Na svakoj sjednici Gradskog vijeća posljednja tačka dnevnog reda je tačka: Vijećnička pitanja i inicijative.

(3) Vijećnička pitanja i inicijative se postavljaju usmeno ili pismeno na sjednici Gradskog vijeća, a kada se to od Gradskog vijeća zatraži i to Gradsko vijeće podrži većinom glasova izabranih gradskih vijećnika, iznesena inicijativa postaje inicijativa Gradskog vijeća.

(4) Postavljena vijećnička pitanja i inicijative se formuliraju u pismenoj formi kao poseban akt Gradskog vijeća i dostavljaju nadležnom organu na razmatranje.

(5) Nadležni organ Grada Sarajeva kome se vijećničko pitanje ili inicijativa dostavi na realizaciju dužan je dostaviti odgovor na postavljeno vijećničko pitanje iz nadležnosti organa Grada Sarajeva do naredne sjednice Gradskog vijeća, odnosno o realizaciji upućene inicijative iz nadležnosti Grada Sarajeva izvijestiti Gradsko vijeće do naredne sjednice.

(6) Ukoliko pitanja odnosno inicijative nisu iz nadležnosti Grada Sarajeva, odnosno nisu upućene gradonačelniku, Služba Gradskog vijeća će ih proslijediti nadležnim organima i o tome izvijestiti Gradsko vijeće.

(7) Na svakoj sjednici Gradskog vijeća podnosi se informacija o realizaciji vijećničkih pitanja i inicijativa, u sklopu obavezne tačke dnevnog reda sjednice.“

II PITANJA, INICIJATIVE I ODGOVORI

Informacijom o realizaciji vijećničkih pitanja i inicijativa obuhvaćena je realizacija vijećničkih pitanja i inicijativa koje su dostavljene gradonačelnici i to: Vijećnička pitanja i inicijative sa 17. sjednice Gradskog vijeća Grada Sarajeva održane 29.06.2022. godine, Vijećnička pitanja i inicijative sa 18. sjednice Gradskog vijeća Grada Sarajeva održane 26.07.2022. godine, Vijećnička pitanja i inicijative sa 19. sjednice Gradskog vijeća Grada Sarajeva održane 05.10.2022. godine, Vijećnička pitanja i inicijative sa 20. sjednice Gradskog vijeća Grada Sarajeva održane 26.10.2022. godine i vijećnička pitanja i inicijative sa 21. Sjednice Gradskog vijeća Grada Sarajeva održane 30.11.2022.

godine, kao i vijećnička pitanja i inicijative upućene na ranijim sjednicama Gradskog vijeća Grada Sarajeva, a čiji su odgovori pristigli u toku sačinjavanja informacije.

Najveće interesovanje, kao i broj upućenih pitanja i inicijativa, odnosio se prema Službi za urbano planiranje, investicije, stambene i komunalne poslove. Također, određeni broj postavljenih vijećničkih pitanja i inicijativa koje su dostavljene gradonačelnici Grad Sarajeva odnosio se na druge subjekte, odnosno na tzv. „vanjske adrese“.

Odgovori na vijećnička pitanja i inicijative su dati kako slijedi:

- 1. Na 17. sjednici Gradskog vijeća Grada Sarajeva, održanoj dana 29.06.2022. godine, zamjenik predsjedavajućeg Gradskog vijeća Grada Sarajeva Dragan Stevanović uputio je vijećničku inicijativu sljedećeg sadržaja:**

„Potrebno je da Grad Sarajevo razmotri mogućnost postavljanja replike ploče sa prijevodom teksta koja je ugrađena u temelje mosta na Ilidži, a koja je jedan od dokaza da se na mjestu današnje Ilidže nalazilo naselje iz rimskog perioda AQUAE S..., na adekvatno mjesto u gradu Sarajevu (npr. Vijećnica, zgrada Kantona, Predsjedništva), kako bi bila što dostupnija građanima Sarajeva i svjedočila o kontinuitetu razvoja grada od najstarijih ilirskih, rimskih, osmanskih, austrougarskih i socijalističkih vremena.“

Odgovor:

Grad Sarajevo podržava predloženu inicijativu te će istu proslijediti JU „Gradski muzeji“ kako bi istu eventualno razmotrili sa predstavnicima Zemaljskog muzeja, budući da ova institucija obuhvata izložbenu postavku koja svjedoči o dugoj historiji razvoja naselja, života i društveno-političkog uređenja na tlu BiH, ali i današnjeg grada Sarajeva, počevši od prahistorije do danas.

- 2. Na 17. sjednici Gradskog vijeća Grada Sarajeva, održanoj dana 29.06.2022. godine, gradska vijećnica Enisa Spahić uputila je vijećničko pitanje sljedećeg sadržaja:**

„Molim nadležne da dostave informaciju da li postoji ovlaštena i certificirana firma za prikupljanje građevinskog otpada koji sadržava azbest na području grada Sarajeva, odnosno u Kantonu Sarajevo?“

Odgovor:

Grad Sarajevo će predmetno pitanje proslijediti Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo te će po primitku odgovora, isti proslijediti Gradskom vijeću.

- 3. Na 17. sjednici Gradskog vijeća Grada Sarajeva, održanoj dana 29.06.2022. godine, predsjedavajući Gradskog vijeća Grada Sarajeva Jasmin Ademović uputio je vijećničko pitanje sljedećeg sadržaja:**

„Otvoreni dio uređenog korita potoka Sušica, koji se ulijeva u korito rijeke Miljacke kraj Zemaljskog muzeja, neprimjereno je zapušten i zarastao grmljem i šibljem. Poznato je da su sredstva vrlo ograničena, ali može li Grad Sarajevo, tokom ljeta, ipak poduzeti potrebno da se ovaj kratki dio korita očisti od šiblja i uredi?“

Odgovor:

S tim u vezi, obavještavamo Vas da je Grad Sarajevo podržao Vaš prijedlog te je, u sklopu redovnih aktivnosti održavanja korita sa ugovorenim izvođačem, izvršeno uređenje uređenog dijela pritoke Sušice. Korito je dovedeno u red u skladu sa traženim.

- 4. Na 17. sjednici Gradskog vijeća Grada Sarajeva, održanoj dana 29.06.2022. godine, predsjedavajući Gradskog vijeća Jasmin Ademović uputio je i vijećničko pitanje sljedećeg sadržaja:**

„Koje su prepreke da Grad Sarajevo donese novi gradski propis kojim će se urediti upravljanje vodotocima prenesenim u nadležnost Gradu Sarajevo, u skladu sa Zakonom, te kada će biti moguće predložiti Gradskom vijeću odlučivanje o povjeravanju poslova redovnog održavanja vodotoka iz nadležnosti Grada Sarajeva Javnom preduzeću „Sarajevo“ d.o.o.“

Odgovor:

Zakonom o vodama Kantona Sarajevo („Službene novine Kantona Sarajevo“, broj 18/2010), u članu 9. propisano je da Gradsko vijeće donosi Odluku o načinu i drugim pitanjima od značaja za održavanje i čuvanje zaštitnih vodnih objekata na vodotocima II kategorije i uređenih korita u urbanim područjima na površinskim vodama I kategorije.

Trenutno je u primjeni Odluka o korištenju, održavanju i čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 2/2007), a donesena je na osnovu Zakona o vodama Kantona Sarajevo („Službene novine Kantona Sarajevo“, broj 16/2000).

U vezi sa navedenim, postoji opravdana potreba da se predmetna Odluka uskladi sa važećim Zakonom o vodama i da se istom urede sva pitanja od značaja za upravljanje i održavanje uređenih korita vodotoka iz nadležnosti Grada Sarajeva. Međutim, kako su u toku izmjene i dopune Zakona o vodama Kantona Sarajevo, cijenimo opravdanim sačekati stupanje na snagu istih.

Prema informaciji dobivenoj od resornog Ministarstva privrede Kantona Sarajevo, na dnevnom redu naredne sjednice Skupštine Kantona Sarajevo trebalo bi biti razmatranje i donošenje izmjena i dopuna Zakona o vodama Kantona Sarajevo.

Prema tome, postoji potreba i zakonska osnova za donošenje nove Odluke o načinu i drugim pitanjima od značaja za održavanje i čuvanje zaštitnih vodnih objekata na vodotocima II kategorije i uređenih korita u urbanim područjima na površinskim vodama I kategorije, tako da će se u narednom periodu, a najkasnije do kraja tekuće godine, Gradskom vijeću dostaviti prijedlog odluke.

- 5. Na 17. sjednici Gradskog vijeća Grada Sarajeva, održanoj dana 29.06.2022. godine, predsjedavajući Gradskog vijeća Grada Sarajeva Jasmin Ademović uputio je inicijativu da Grad Sarajevo u okviru svojih mogućnosti formira radnu grupu za izradu sveobuhvatne dokumentacije potrebne za realizaciju projekta Grada Sarajeva „Čista i bistra rijeka Miljacka“ koju je Gradsko vijeće Grada Sarajeva podržalo te je ona postala inicijativom Gradskog vijeća.**

Odgovor:

Vezano sa sadržaj predmetne inicijative, gradonačelnica je, shodno Odluci o pristupanju jedinstvenom projektu sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njezinih pritoka na području grada Sarajeva

„Čista rijeka Miljacka“ („Službene novine Kantona Sarajevo“, broj 50/21), svojim aktom, broj 09-21-430-2/22 od 24.03.2022. godine, zatražila imenovanje članova radnog tima za projekat „Čista rijeka Miljacka“ od sljedećih organa i institucija: gradskih općina (Centar, Stari Grad, Novo Sarajevo i Novi Grad), Kantona Sarajevo (Ministarstva privrede i Ministarstva komunalne privrede, infrastrukture, prostornog uređenja, građenja i zaštite okoliša, KJKP „Vodovod i kanalizacija“ d.o.o. Sarajevo), Instituta za hidrotehniku Građevinskog fakulteta Sarajevo i Komisije za očuvanje nacionalnih spomenika. Od navedenih organa i institucija, jedino Komisija za nacionalne spomenika nije dostavila prijedlog svog predstavnika za članstvo u radnoj grupi.

Kako u predmetnoj inicijativi Gradskog vijeća Grada Sarajeva stoji da se radna grupa treba sastojati, pored navedenih, od predstavnika Agencije za vodno područje rijeke Save, KJKP „Rad“ d.o.o. Sarajevo, Zavoda za vodoprivredu d.d. Sarajevo, Fonda za zaštitu okoliša, Federalnog ministarstva okoliša i SERDA-e, a budući da je rješenje o imenovanju radne grupe u pripremi, cijenimo da je opravdan zahtjev Gradskog vijeća Grada Sarajeva da se radna grupa proširi učešćem institucija i organa navedenih u predmetnoj inicijativi. S tim u vezi, tražit će se od navedenih institucija da dostave prijedloge svojih predstavnika za učešće u radnoj grupi, nakon čega će se donijeti rješenje o imenovanju i utvrditi zadaci radne grupe.

6. Na 18. sjednici Gradskog vijeća Grada Sarajeva, održanoj dana 26.07.2022. godine, gradski vijećnik Almedin Miladin uputio je inicijativu sljedećeg sadržaja:

„Potrebno je da Grad Sarajevo pruži podršku Centru „Skenderija“ u organizaciji privrednih sajмова, među kojima je i izuzetno značajan sajam privrede i razvoja. Centar „Skenderija“ bi mogao ponovo organizovati ovakav ili sličan sajam, na kojem bi se, uz pomoć Grada Sarajeva, mogli predstaviti privrednici bratskih i prijateljskih gradova. Ovo bi bio bitan doprinos tome da Grad Sarajevo poveća svoju prepoznatljivost na međunarodnoj karti sajamskih gradova.”

Odgovor:

U Budžetu Grada Sarajeva za 2022. godinu nisu planirana sredstva za ovu namjenu.

7. Na 18. sjednici Gradskog vijeća Grada Sarajeva, održanoj dana 26.07.2022. godine, gradska vijećnica Biljana Lazarević uputila je inicijativu sljedećeg sadržaja:

„Potrebno je da Grad Sarajevo, u skladu s raspoloživim finansijskim sredstvima, pruži podršku mladoj poduzetnici Amni Bašić za učešće na Svjetskom takmičenju frizera koji će se održati 10.-12. septembra 2022. godine”.

Gradsko vijeće Grada Sarajeva podržalo je podnesenu inicijativu te je ona postala inicijativom Gradskog vijeća.

Odgovor:

U Budžetu Grada Sarajeva za 2022. godinu nisu planirana sredstva za ovu namjenu.

8. Na 18. sjednici Gradskog vijeća Grada Sarajeva, održanoj dana 26.07.2022. godine, gradska vijećnica Enisa Spahić uputila je inicijativu sljedećeg sadržaja:

„Potrebno je da Grad Sarajevo zatraži podatke od nadležnih institucija i dostavi Gradskom vijeću informaciju o tome, šta se poduzima na smanjenju prosjačenja ulicama grada Sarajeva, posebno u vrijeme turističke sezone.”

Odgovor:

Kako Grad Sarajevo nema nadležnosti u predmetnoj oblasti te sadržaju navedene inicijative gradske vijećnice Enise Spahić, za očekivati je da se postupilo u skladu sa članom 148. stav (6) Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), koja glasi: „(6) Ukoliko pitanja, odnosno inicijative, nisu iz nadležnosti Grada Sarajeva, odnosno nisu upućene gradonačelnici, Služba Gradskog vijeća proslijedit će ih nadležnim organima i o tome izvijestiti Gradsko vijeće.“

Međutim, uslijed nedostatka informacije o učinjenom od strane Službe Gradskog vijeća, opreza radi i sa ciljem pribavljanja u Inicijativi traženih informacija, Gradska služba za lokalnu samoupravu je predmetnu inicijativu, aktom broj: 05-04-5845-1/22, prosljedila/uputila Vladi Kantona Sarajevo/Ministarstvu unutrašnjih poslova, sa molbom za postupanje, sljedećeg sadržaja:

„U prilogu akta dostavljamo inicijativu gradske vijećnice Enise Spahić, upućenu na 18. sjednici Gradskog vijeća Grada Sarajeva (broj: 01-GV-02-1213-1.1/22 od 26.07.2022.), a koja se odnosi na potrebu za informisanjem Gradskog vijeća o mjerama koje poduzimaju nadležni organi u vezi sprječavanja pojave prosjačenja na ulicama grada Sarajeva, naročito u toku turističke sezone.

Molimo Vašu informaciju.“

9. Na 18. sjednici Gradskog vijeća Grada Sarajeva, održanoj dana 26. jula 2022. godine, gradska vijećnica Marijela Hašimbegović uputila je inicijativu sljedećeg sadržaja:

„Potrebno je da Grad Sarajevo razmotri mogućnost finansijske podrške Udruženju za podršku dječjeg stvaralaštva i stvaralaštva mladih „YouthArt“ koji kroz projekat – predstavu pod nazivom „Romeo i Julija iz dvije škole pod istim krovom“, govori o problemu segregacije djece u pojedinim općinama u BiH.“

Inicijativa uz prikladno obrazloženje je zaprimljena na protokol Grada Sarajeva pod brojem: 14-04-5849/22 dana 10.08.2022. godine.

Odgovor:

Udruženje za podršku dječjeg stvaralaštva i stvaralaštva mladih „YouthArt“ do danas se nije obratilo Gradskoj upravi Grada Sarajeva Zahtjevom za podršku pri realizaciji projekta – predstave pod nazivom „Romeo i Julija iz dvije škole pod istim krovom“, stoga Gradska služba za obrazovanje, sport, kulturu i mlade (u daljnjem tekstu: Služba) nije bila u mogućnosti razmatrati Zahtjev, niti utvrditi da li Udruženje za podršku dječjeg stvaralaštva i stvaralaštva mladih „YouthArt“ ispunjava kriterije iz Pravilnika o kriterijima za prihvatanje pokroviteljstva Grada Sarajeva („Službene novine Kantona Sarajevo“, broj 32/17). Nakon što predmetno udruženje dostavi svoj Zahtjev uz prateću dokumentaciju kojom će dokazati ispunjavanje općih i posebnih kriterija iz ranije navedenog Pravilnika, Služba će razmotriti isti, te će, imajući u vidu inicijativu upućenu od strane gradske vijećnice Hašimbegović, gradonačelnici Grada Sarajeva dostaviti svoje mišljenje, odnosno prijedlog sa visinom odobrenih sredstava, a kako bi gradonačelnica donijela konačnu odluku o prihvatanju pokroviteljstva Grada Sarajeva u skladu sa mogućnostima.

10. Na 18. sjednici Gradskog vijeća Grada Sarajeva, održanoj dana 26.07.2022. godine, gradski vijećnik Muamer Mekić uputio je vijećničko pitanje sljedećeg sadržaja:

„Potrebno je da Grad Sarajevo za sljedeću sjednicu Gradskog vijeća dostavi informaciju o tome zašto muzej koji se nalazi u Vijećnici još nije otvoren i nije u funkciji te koliko je sredstava uloženo u adaptaciju prostora i postavku muzeja u Vijećnici“?

Odgovor u dijelu koji se odnosi na sredstva uložena u adaptaciju prostora muzeja u Vijećnici:

Glavni projekat unutrašnjeg uređenja prostora muzeja u objektu Gradske vijećnice izradila je firma „Studio Urbing“ d.o.o. Sarajevo, decembra 2019. godine, koji je obezbjedilo JP Sarajevo d.o.o. Sarajevo.

Izvedeni su radovi tekućeg održavanja unutrašnjeg uređenja prostora muzeja Vijećnica u objektu Gradske vijećnice u Sarajevu u iznosu od 931.688,51 KM sa PDV-om, a izvođač radova je bila firma „Neimari“ d.o.o. Sarajevo. Vrijednost stručnog nadzora nad izvođenjem radova iznosila je 6.727,50 KM sa PDV-om, koji je vršio „Arhiplus“ d.o.o. Mostar. Sredstva za izvođenje radova i stručni nadzor obezbjedio je Grad Sarajevo. Radovi su završeni 27.08.2021. godine.

11. Na 18. sjednici Gradskog vijeća Grada Sarajeva, održanoj dana 26.07.2022. godine, gradski vijećnik Nihad Uk uputio je vijećničko pitanje sljedećeg sadržaja:

„Potrebno je da Grad Sarajevo razmotri mogućnost postavljanja javnih česmi, posebno u dijelovima grada koje koriste rekreativci i šetači (Dariva, Obala Maka Dizdara, park Šip, šetalište Dobrinja...)“

Odgovor:

S tim u vezi, obavještavamo Vas da će Grad Sarajevo aktivno raditi na razmatranju mogućnosti postavljanja javnih česmi, posebno u dijelovima grada koje koriste rekreativci i šetači.

12. Na 18. sjednici Gradskog vijeća Grada Sarajeva, održanoj dana 26.07.2022. godine, gradska vijećnica Enisa Spahić uputila je inicijativu sljedećeg sadržaja:

„Potrebno je da Grad Sarajevo zatraži podatke od nadležnih institucija i dostavi Gradskom vijeću informaciju o tome šta se poduzima na smanjenju prosjačenja ulicama grada Sarajeva, posebno u vrijeme turističke sezone.“

Odgovor:

Navedena inicijativa prosljeđena je Ministarstvu unutrašnjih poslova Kantona Sarajevo.

Ministarstvo unutrašnjih poslova Kantona Sarajevo, svojim dopisom broj: 01-9-02-2-5391/22 od 28.09.2022. godine, dostavilo je odgovor na navedenu inicijativu koji se nalazi u prilogu.

13. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Alem Logo uputio je vijećničku inicijativu sljedećeg sadržaja: „Projekti energetske efikasnosti, analiza objekata i površina u vlasništvu Grada Sarajeva“. Pokrećem inicijativu prema nadležnim službama Grada Sarajeva s ciljem analize

potencijalnih prostora za postavku solarnih panela na objektima ili površinama koje su u vlasništvu Grada Sarajeva.

Sa obrazloženjem: „Prateći svjetske trendove kada je u pitanju energetska efikasnost, smatram da Grad Sarajevo i na ovom polju mora biti idejni pokretač pozitivnih procesa. Na bazi navedenog, već izvjesni period vodim razgovore sa fondovima i ekspertima za energetska efikasnost koji će nam pomoći da u konačnici imamo izuzetno velike uštede energije za Grad Sarajevo, uz veliki procenat sufinansiranja EU fondova, kao i brojne ekološke benefite navedenih projekata. Zamolit ću nadležne službe da nam na osnovu tlocrta do naredne sjednice dostave tačne površine (izraženo u m²) potencijalnih objekata i prostora u vlasništvu Grada Sarajeva, čime bi smo pokrenuli I. Fazu navedenog projekta.“

Odgovor:

Cijeneći Vašu inicijativu, obavještavamo Vas da je gradonačelnica Grada Sarajeva Rješenjem od 14.10.2022. godine formirala Komisiju koja će raditi na ažuriranju Registra imovne Grada Sarajeva. Komisija je već poduzela prve korake u provođenju potrebnih aktivnosti. Nakon što se izvrši ažuriranje Registra imovine, isti će se prezentirati gradonačelnici Grada Sarajeva, a potom i Gradskom vijeću, nakon čega će Služba za urbano planiranje, investicijske, stambene i komunalne poslove moći dati valjan odgovor na Vašu inicijativu.

Shodno navedenom, molimo Vas za produženje roka za odgovor.

14. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Da Grad Sarajevo preduzme sve neophodne radnje za zamjenu dotrajale rasvjete na Čumurija mostu.“

Odgovor:

U toku su radovi na sanaciji rasvjete i iluminacije mostova na rijeci Miljacki u Sarajevu koji se rade na osnovu Ugovora broj 01/09-19-1076-6/22 od 01.07.2022. godine i Ugovora broj 01/09-19-1076-7/22 od 27.07.2022. godine koji obuhvataju sljedeće mostove: Ajfelov most, Čobanija most, Drvenija most, Čumurija most, Latinsku ćupriju, Stakleni most kod Vijećnice i Šeher-Čehajinu ćupriju. Izvođač radova je Testingelektro d.o.o.Sarajevo. Završetak svih radova se očekuje do kraja 2022. godine.

15. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je vijećničku inicijativu sljedećeg sadržaja:

„Podnosim inicijativu da Grad Sarajevo zajedno sa Kantonom Sarajevo podrži izgradnju spomen obilježja tragično ubijenoj Skorupan Naleni.“

Odgovor:

S tim u vezi, obavještavamo Vas da će nadležna služba predmetnu inicijativu uputiti Komisiji za spomenike Gradskog vijeća na daljnje odlučivanje, a shodno Odluci o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – ispravka).

16. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je vijećničko pitanje sljedećeg sadržaja:

„Potrebno je da Grad Sarajevo razmotri mogućnost da se u saradnji sa KS izradi jedinstveni broj ili internet stranica na koji građani Grada Sarajeva mogu prijaviti kvarove kao što su:

- Komunalne nepravilnosti
- Kvar javne rasvjete
- Kvar semafora
- Opasnost od obrušavanja snijega i leda sa zgrada i kuća
- Curenje vode na česmama itd.

Odgovor:

S tim u vezi, obavještavamo Vas da je će Grad Sarajevo u saradnji sa KS razmotriti mogućnost izrade jedinstvenog broja ili internet stranice na koji će građani Grada Sarajeva moći prijaviti kvarove kao što su:

- Komunalne nepravilnosti
- Kvar javne rasvjete
- Kvar semafora
- Opasnost od obrušavanja snijega i leda sa zgrada i kuća
- Curenje vode na česmama itd.

17. Na 19. sjednici Gradskog vijeća Grada Sarajeva, održanoj dana 05.10.2022. godine, Odbor za lokalni biznis i turizam uputio je inicijativu sljedećeg sadržaja:

„Potrebno je da Grad Sarajevo uputi inicijativu nadležnim organima Kantona Sarajevo da se u potrebnoj mjeri postave ulične korpe za otpatke na frekventnim pješačkim pravcima na području grada.“

Odgovor:

S tim u vezi, obavještavamo Vas da će nadležna služba predmetnu inicijativu uputiti nadležnom ministarstvu Kantona Sarajevo na daljnje postupanje.

18. Na 19. sjednici Gradskog vijeća Grada Sarajeva, održanoj dana 05.10.2022. godine, predsjedavajući Gradskog vijeća Grada Sarajeva Jasmin Ademović uputio je vijećničko pitanje sljedećeg sadržaja:

- „Postoji li prepreka u pravnim propisima da Gradsko vijeće odlučuje o donošenju regulacionih planova iz svoje nadležnosti u skladu sa Zakonom i važećim planskim i normativnim rješenjima iz Urbanističkog plana za urbano područje Sarajeva, odnosno važećim Prostornim planom Kantona Sarajevo?“
- Može li Zakonodavac svojim zaključkom onemogućiti nadležni organ da vrši nadležnosti uređene važećim zakonom, odnosno da provodi važeće prostorno planske dokumente? Ako zaključak Skupštine Kantona Sarajevo ima takvu snagu, potrebno je navesti na osnovu čega.
Ako zaključak nema tu snagu, molim da mi se odgovori zašto se već dvije godine ne predlaže donošenje regulacionih planova iz nadležnosti Grada Sarajeva, uz poznate razloge vezane za odluku Komisije za očuvanje nacionalnih spomenika BiH?

- Potrebno je odgovoriti i na pitanje može li gradonačelnica poduzeti, odnosno predložiti aktivnosti putem kojih će Grad Sarajevo nastaviti sa provođenjem svojih nadležnosti u smislu pripreme izrade i donošenja regulacionih planova u skladu sa Zakonom i važećim prostorno planskim i normativnim rješenjima?“

Odgovor:

Skupština Kantona Sarajevo, na sjednici održanoj 24.05.2017. godine, donijela je Zakon o prostornom uređenju Kantona Sarajevo („Službene novine Kantona Sarajevo“, broj 24/17), kojim se propisuje da je donošenje regulacionih planova za područje gradskih općina u nadležnosti općinskih vijeća.

Odredbama člana 3. Zakona o izmjeni i dopunama Zakona o prostornom uređenju Kantona Sarajevo („Službene novine Kantona Sarajevo“, broj 1/18), propisano je da Skupština Kantona, gradsko ili općinsko vijeće koji su donijeli odluku o pristupanju izradi planskog dokumenta do dana 30.06.2017. godine donose i odluku o usvajanju i odluku o provođenju tog planskog dokumenta.

Shodno navedenim zakonskim odredbama, ne postoji prepreka da Gradsko vijeće Grada Sarajeva odlučuje o donošenju regulacionih planova, za koje je Gradsko vijeće donijelo Odluku o pristupanju izradi prije 30.06.2017. godine.

U periodu od naprijed navedenog datuma do danas, Gradsko vijeće Grada Sarajeva usvojilo je sljedeće regulacione planove:

- Regulacioni plan „Vraca“, („Službene novine Kantona Sarajevo“, broj 43/18)
- Regulacioni plan „Alifakovac-Babića Bašta“, („Službene novine KS“, broj 11/18)
- Regulacioni plan „Rajlovac III“, („Službene novine Kantona Sarajevo“, broj 33/18)
- Regulacioni plan „Bojnik“, („Službene novine Kantona Sarajevo“, broj 15/18)
- Izmjene i dopune Regulacionog plana „Kovačići Centar-zanatski centar“ („Službene novine Kantona Sarajevo“, broj 07/18)
- Izmjene i dopune Regulacionog plana „Kvadrant C1 – Marijin Dvor“ („Službene novine Kantona Sarajevo“, broj 5/20)
- Regulacioni plan „Švrakino Selo – Aneks“ („Službene novine Kantona Sarajevo“, broj 9/20)
- Regulacioni plan „Švrakino Selo – Mlakve“ („Službene novine Kantona Sarajevo“, broj 22/20)
- Regulacioni plan „Zabrđe“ („Službene novine Kantona Sarajevo“, broj 31/21)
- Regulacioni plan „Brdo Hrasno“ („Službene novine Kantona Sarajevo“, broj 16/22)

Regulacioni planovi čija izrada je u toku::

- Regulacioni plan „Reljevo“
- Regulacioni plan „Gornje Telalovo Polje I“
- Regulacioni plan „Alipašin Most VI“
- Regulacioni plan „Soukbunar“
- Regulacioni plan „Sarajevogas – Bosnalijek“
- Izmjene i dopune Regulacionog plana „Hepok Čengiće Vila III“

Regulacioni planovi čija izrada je u toku, a nalaze se u obuhvatu ventilacionih koridora:

- Regulacioni plan „Alipašin Most I“
- Regulacioni plan „Alipašin Most V“
- Regulacioni plan „Halilovići I“
- Regulacioni plan „RTV“
- Regulacioni plan „Kvadrant C – Marijin Dvor“

Regulacioni plan „Centar Novo Sarajevo“

Izmjene i dopune Regulacionog plana „Gradski centar Marijin Dvor“ za lokalitet Kvadrant B

Skupština Kantona Sarajevo, na sjednici održanoj 25.02.2020. godine, donijela je Zaključak koji pod tačkom 2. glasi:

„Zadužuju se nosioci pripreme i izrade planske dokumentacije (Grad, općine i Zavod za planiranje razvoja KS) da prilikom donošenja nove, odnosno izmjena i dopuna važeće planske dokumentacije, kao i planova čija je izrada u toku, provode zaključke i preporuke sadržane u „Studiji o urbanim ventilacionim koridorima i uticaju visokih zgrada“, usvojenoj od strane Vlade KS, kao i uslove koje je potrebno poštovati prema važećem Urbanističkom planu grada Sarajeva od 1985.-2015. godine (kao planu višeg reda), donesenom 1990. godine od strane Skupštine Grada Sarajeva, a čiji prečišćen tekst je 1999. godine utvrdila Zakonodavno-pravna komisija Skupštine Kantona Sarajevo.“

U skladu sa utvrđenim mjerama iz Studije, u koridoru od 200 m od primarnih ventilacionih koridora – Ulica Zmaja od Bosne, Bulevar Meše Selimovića i rijeka Miljacka (s obadrije strane) moguća je gradnja objekata maksimalne visine 20 m, zabranjuje se građenje u pojasu od 20m od ruba glavne saobraćajnice i obale rijeke Miljacke, a koeficijent izgrađenosti obuhvata je $< ili = 1$.

Važno je napomenuti da navedeni Zaključak Skupštine Kantona Sarajevo ne onemogućava nadležni organ da vrši nadležnosti uređene važećim Zakonom, odnosno da priprema, predlaže i usvaja plansku dokumentaciju.

Međutim, utvrđene mjere u Studiji su postale ograničavajući faktor u planiranju prostora, a samim tim i izgradnji i razvoju grada. Na pojedinim lokalitetima propisane mjere koje se odnose na koeficijent izgrađenosti su neprimjenljive iz razloga veće postojeće izgrađenosti tog lokaliteta od propisane ili su već usvojeni provedbeno-planski dokumenti (na snazi).

Navodimo primjere:

U obuhvatu Izmjena i dopuna RP „Gradski centar Marijin Dvor“ za lokalitet Kvadrant B postojeći koeficijent izgrađenosti iznosi 1, tako da primjenjujući propisani koeficijent iz Studije nema planiranja i izgradnje objekata, odnosno daje se mogućnost planiranja i uređenja javnih površina (parkovi, trgovi, šetnice i dr.).

U obuhvatu Regulacionog plana „Kvadrant C – Marijin Dvor“ postojeći koeficijent izgrađenosti iznosi 0,75, dakle ima mogućnosti planiranja prostora do $K_i=1$, međutim u Nacrtu Plana koji je usvojen od strane Gradskog vijeća Grada Sarajeva, a na osnovu smjernica iz Odluke o pristupanju izradi Plana, planirani su objektima spratnosti P+12 (maksimalne visine 50 m) uz ulicu Zmaja od Bosne, a koeficijent izgrađenosti iznosi 1,4.

U obuhvatu Regulacionog plana „RTV“ nalazi se usvojeni Urbanistički projekat „Kongresni centar Sarajevo“ u kojem su planirane tri kule visine od 29 do 39 spratova.

Na osnovu svega navedenog, Grad Sarajevo je dopisom, broj 09-19-6407/21 od 10.11.2021. godine, zatražio od Zavoda za planiranje razvoja Kanton Sarajevo, kao Nosioca izrade planske dokumentacije, da dostavi mišljenje u vezi nastavka aktivnosti na izradi regulacionih planova za koje je Nosilac pripreme gradonačelnica Grada Sarajeva, a čiji obuhvati se nalaze u obuhvatu ventilacionih koridora.

U dostavljenom odgovoru Zavoda (dopis broj 03-19-4661/21 od 12.11.2021. godine), između ostalog, navedeno je:

„Da se nastavi sa izradom planova čija izrada je započeta prije donošenja Odluke Vlade KS i Zaključka Skupštine KS, shodno Zakonu i Uredbi, da se usvojeni planovi ne mijenjaju te da se prilikom izrade uvažavaju opredjeljenja iz Odluke Vlade KS i Zaključka Skupštine KS.“

Također, uvažavajući činjenicu da je u toku izrada Nacrta Urbanističkog plana za urbano područje grada Sarajeva za period od 2016. do 2036. godine (Osnovna koncepcija usvojena od strane Vlade KS) koji sadržava primarne ventilacione koridore, ali sa urbanističko tehničkim uslovima (smjernicama) koje se razlikuju od mjera utvrđenim Studijom, neophodno je prioritetno rješavanje nastale problematike.

Kako smo informirani, Vlada Kantona Sarajevo donijela Zaključak, broj 02-04-14793-31/22 od 07.04.2022. godine, o odgađanju primjene Studije do izrade dodatnih analiza i ekspertiza Studije, u odnosu na postojeće zakonske okvire koji je dostavljen Skupštini Kantona Sarajevo na nadležno odlučivanje.

U narednom periodu očekujemo da će Skupština Kantona Sarajevo poduzeti aktivnosti kako bi se otklonile navedene kolizije propisa i stvorile pretpostavke za implementaciju Studije, a ujedno i nastavak izrade i usvajanja planske dokumentacije te samim tim i mogućnost gradnje i uređenja gradskog prostora.

19. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Upućujem inicijativu prema nadležnim službama Grada Sarajeva da se zaštiti brend „SARAJEVSKI ČEVAPI“, jer oni postoje stotinama godina na ovim prostorima, ali naši čevapi kao tradicionalni proizvod još uvijek nemaju zaštitu. Čevapi kao brend mogu se zaštititi na osnovu geografske odrednice koja označava prostor na kojem se čevapi proizvode i prodaju. Dodjeljivanjem oznake geografskog porijekla doprinosi se većem značaju za postizanje višeg stepena konkurentnosti i prepoznatljivosti na regionalnom i evropskom tržištu. Sticanjem ovih prava omogućava se korisnicima zaštićenih oznaka bolji položaj na tržištu i veću konkurentnost kroz mogućnost pristupa međunarodnoj registraciji imena porijekla, reklamiranja proizvoda kao autohtonih i postizanje veće konkurentnosti upravo zbog prepoznatljivosti proizvoda kao takvih. Smatram da Grad Sarajevo treba da sa svoje strane preduzme inicijativu da se „SARAJEVSKI ČEVAP“ registruje kao nematerijalno kulturno naslijeđe, kao i da se nominira i za UNESCO-ovu listu nematerijalnog kulturnog naslijeđa.“

Odgovor:

Grad Sarajevo je pokrenuo aktivnosti u cilju zaštite sarajevskog čevapa zaštićenom oznakom porijekla, geografskog porijekla i garantirano tradicionalnog specijaliteta. U tom smislu, nakon održanih konsultativnih sastanaka s predstavnicima ugostitelja – sarajevskih čevabdžija, dogovoreno je da Grad Sarajevo pruži podršku potrebnu za osnivanje Udruženja čevabdžija koje jedino može biti formalni podnosilac zahtjeva za zaštitu sarajevskog čevapa. Pripremljeni su osnivački akt o formiranju Udruženja građana Sarajevske čevabdžije, Statut Udruženja, te Poslovnik o radu Skupštine. Osnivačka Skupština Udruženja održana je 02.11.2022. godine, na kojoj je za predsjednicu Udruženja izabrana Amela Ferhatović. Grad Sarajevo će nastaviti pružati podršku u postupku registracije Udruženja kod nadležnog Ministarstva, a u cilju zaštite sarajevskog čevapa zaštićenom oznakom porijekla, geografskog porijekla i garantirano tradicionalnog specijaliteta.

20. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je vijećničko pitanje sljedećeg sadržaja:

„Podnosim inicijativu da Grad Sarajevo zajedno s Vladom Kantona Sarajevo, KJKP RAD-om, obezbijedi višenamjensko komunalno radno vozilo za čišćenje ulica na Baščaršiji.“

Odgovor:

S tim u vezi, obavještavamo Vas da je će Grad Sarajevo, u saradnji sa Vladom KS i KJKP RAD-om, uputiti inicijativu da se obezbijedi višenamjensko komunalno radno vozilo za čišćenje ulica na Baščaršiji.

21. Na 19. sjednici Gradskog vijeća Grada Sarajeva, održanoj dana 05.10.2022. godine, Odbor za lokalni biznis i turizam uputio je inicijativu sljedećeg sadržaja:

„Potrebno je da Grad Sarajevo uputi inicijativu nadležnim organima Kantona Sarajevo da se u potrebnoj mjeri postave ulične korpe za otpatke na frekventnim pješačkim pravcima na području grada“.

Odgovor:

S tim u vezi, obavještavamo Vas da će nadležna služba predmetnu inicijativu uputiti nadležnom ministarstvu Kantona Sarajevo na daljnje postupanje.

22. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Ratko Orozović uputio je vijećničko pitanje sljedećeg sadržaja:

„Potrebno je da Grad Sarajevo uputi pitanje nadležnim institucijama (Federalni zavod za statistiku i sl.) kako je moguće da je na općim izborima u Bosni i Hercegovini registrovano 3,5 miliona birača obzirom na broj stanovnika po zadnjem popisu?“

Odgovor:

Navedena inicijativa prosljeđena je Federalnom zavodu za statistiku i Centralnoj izbornoj komisiji Bosne i Hercegovine.

Federalni zavod za statistiku, svojim dopisom broj: 01-04-2-1238-2/22 od 01.11.2022. godine, dostavio je odgovor koji se nalazi u prilogu.

Nakon što dobijemo odgovor od Centralne izborne komisije Bosne i Hercegovine, bit će te blagovremeno informirani.

23. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Upućujem inicijativu da gradonačelnica, putem nadležne službe u saradnji sa Općinom Stari Grad Sarajevo i Turističkom zajednicom Kantona Sarajevo, poduzme mjere da se osposobi skeniranje i čitanje bar koda koji se nalazi na pločama koje opisuju nazive ulica Starom Gradu. Trenutno kada pokušate skenirati bar kod, upućuje vas na web stranicu „zup.ba“ koja nije u funkciji.

Za ovu inicijativu nisu potrebna značajna sredstva.“

Odgovor:

Projekat postavljanja informativnih tabli o porijeklu naziva ulica Bašćaršije inicirali su i implementirali predstavnici Zone unaprjeđenog poslovanja (ZUP) Bašćaršija, uz podršku Općine Stari Grad, USAID – Sida FIRMA projekta i Sarajevo Navigatora, a s ciljem unaprjeđenja turističke signalizacija vezane za specifične elemente kulturnog i historijskog naslijeđa Bašćaršije.

Table sadrže i QR kodove (Quick Response Code) za čije je stavljanje u funkciji potrebno prikupiti i obraditi podatke i fotografije o svim ulicama, izraditi bazu za pristup podacima preko kodova, te izraditi pojedinačne baze sa znamenitostima za svaku ulicu pojedinačno. Prema informaciji ZUP Bašćaršija, za završetak projekta potrebno je cca. 40.000,00 KM.

24. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Toni Vukadin uputio je vijećničku inicijativu sljedećeg sadržaja:

„Potrebno je da Grad Sarajevo, iz Budžeta Grada Sarajeva za 2022. godinu, osigura 30.000,00 KM za sufinansiranje rekonstrukcije vodovodne mreže koju koristi SOS dječije selo Sarajevo – Općina Novi Grad.“

Odgovor:

Grad Sarajevo podržava ovu vijećničku inicijativu, te je u skladu sa istom Služba za urbano planiranje, investicijske, stambene i komunalne poslove predložila da se rebalansom Budžeta za 2022. godinu formira budžetska pozicija i osiguraju sredstva za sufinansiranje rekonstrukcije vodovodne mreže koju koristi SOS dječije selo Sarajevo – Općina Novi Grad.

25. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Predlažem da Grad Sarajevo uputi inicijativu Ministarstvu pravde Kantona Sarajevo da se unutar Općinskog suda u Sarajevu omogući kupovina sudskih taksi kako obveznici plaćanja iste ne bi morali gubiti vrijeme i izlaziti van zgrade suda do trafike koja je prilično udaljena kako bi kupili taksu. Ovim bi se u mnogome ubrzalo i olakšalo strankama. Podsjećanja radi, napominjem da je ranije u prizemlju Općinskog suda u Sarajevu ovo bilo moguće dok se nije ukinuo šalter na kojem je bilo moguće kupiti taksu. Ovaj problem je naročito izražen u slučaju kada stranke podnose zahtjev za izvode sudskog registra, historijske registre, historijske izvode i slično, gdje se nakon čekanja u redu da se podnese zahtjev stranka, upućuje van suda da bih onda opet morala stati u red da preuzme traženi izvod.“

Odgovor:

Navedena inicijativa prosljeđena je Ministarstvu pravde i uprave Kantona Sarajevo dana 24.10.2022. godine.

Nakon što dobijemo odgovor, o navedenom ćete biti blagovremeno informirani.

26. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Molim službe GV da upute inicijativu Kantonu Sarajevo i Turističkoj zajednici KS da osnuju Sarajevo Street Food Festival pod pokroviteljstvom Grada Sarajeva i Turističke zajednice KS.“

Odgovor:

U cilju realizacije navedene inicijative, potrebno je da predlagač dostavi pojašnjenje za podnesenu inicijativu.

27. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Podnosim inicijativu da Grad Sarajevo zajedno sa Vladom Kantona Sarajevo razmotri mogućnost, promjenu radnog vremena u muzejima Grada Sarajeva.“

Obrazloženje: U svim svjetskim muzejima radno vrijeme je od utorka do nedjelje, a ponedjeljak je neradni dan. Turisti tokom vikenda najviše posjećuju Grad Sarajevo.

Louvre Pariz – utorak ne radi

Galerija Uffizi Firenca – ponedjeljak ne radi

Sir John Soane's London – ponedjeljak ne radi

Museumsinsel Berlin – ponedjeljak ne radi

Odgovor:

Navedena inicijativa prosljeđena je JU „Gradski Muzeji“ Sarajevo 26.10.2022. godine.

JU „Gradski Muzeji“ Sarajevo dostavila je odgovor na navedenu inicijativu dana 31.10.2022. godine, a koji se dostavlja u prilogu.

28. Na 19. sjednici Gradskog vijeća Grada Sarajeva, održanoj dana 05.10.2022. godine, Odbor za lokalni biznis i turizam uputio je inicijativu sljedećeg sadržaja:

„Potrebno je da Grad Sarajevo uputi inicijativu MUP-u Kantona Sarajevo da u saradnji sa Tužilaštvom Kantona Sarajevo pojača aktivnosti na suzbijanju organizovanog džeparenja i prosjačenja na području grada Sarajeva, a posebno na turističkim destinacijama, koje je veliki problem tokom turističke sezone.“

Odgovor:

Navedena inicijativa prosljeđena je Ministarstvu unutrašnjih poslova Kantona Sarajevo dana 24.10.2022. godine.

Nakon što dobijemo odgovor, o navedenom ćete biti blagovremeno informirani.

29. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Podnosim inicijativu da se razmotri mogućnost da Grad Sarajevo zajedno sa Ministarstvom saobraćaja Kantona Sarajevo obilježi Autobusno stajalište Sarajevo – Pale sa znakom za turističke autobuse, kao i sa znakom – dozvoljeno zaustavljanje turističkih autobusa.“

Odgovor:

Navedena inicijativa prosljeđena je Ministarstvu saobraćaja Kantona Sarajevo, dana 11.11.2022. godine.

U prilogu dostavljamo odgovor Ministarstva saobraćaja Kantona Sarajevo, broj: 14-04-8187/22 od 07.12.2022. godine.

30. Na 19. sjednici Gradskog vijeća Grada Sarajeva, održanoj dana 05.10.2022. godine, zamjenik predsjedavajućeg Gradskog vijeća Grada Sarajeva Dragan Stevanović uputio je inicijativu kojom traži da Grad Sarajevo, u saradnji s Turističkom zajednicom Kantona Sarajevo inicira bolju prezentaciju historijskih znamenitosti Sarajevo, posebno lokaliteta i artefakata butmirske kulture i onih iz rimskog perioda, obzirom na činjenicu da Sarajevo nije prepoznatljivo kao lokalitet s kontinuitetom organiziranih ljudskih zajednica od više hiljada godina.

Odgovor:

Navedena inicijativa proslijeđena je Turističkoj zajednici Kantona Sarajevo.

U prilogu dostavljamo odgovor Turističke zajednice Kantona Sarajevo, broj: 1308-1/22 od 17.11.2022. godine.

31. Na 19. sjednici Gradskog vijeća Grada Sarajeva, održanoj dana 05.10.2022. godine, Odbor za lokalni biznis i turizam uputio je inicijativu sljedećeg sadržaja:

„Potrebno je da gradonačelnica poduzme potrebne aktivnosti da bi Gradskom vijeću u predloženom roku (april 2023. godine) mogla podnijeti Informaciju o realizaciji aktivnosti gradonačelnice na realizaciji saradnje turističkih zajednica na području grada Sarajeva sa turističkim zajednicama gradova u BiH i u državama u okruženju s kojima Grad Sarajevo ima sporazum o saradnji koju ovo radno tijelo predlaže kao temu za Program rada Gradskog vijeća Grada Sarajeva za 2023. godinu, a u vezi sa protokolom o saradnji Grada Sarajeva i Turističke zajednice Kantona Sarajevo i sporazumima o saradnji koje Grad Sarajevo ima sa gradovima u okruženju BiH, odnosno u Bosni i Hercegovini, s ciljem povećanja turističkih posjeta gradu Sarajevu”.

Odgovor:

Turističke zajednice grada ne postoje. Zakonom o turističkim zajednicama i promociji turizma u Federaciji Bosne i Hercegovine nije predviđeno osnivanje Turističke zajednice grada. Turistička zajednica Kantona Sarajevo (TZ KS) osnovana je radi razvoja, unaprjeđenja i promocije turizma na području Kantona Sarajevo, što obuhvata i područje grada Sarajeva. Uvažavajući nadležnosti TZ KS, moguća je funkcionalna saradnja TZ KS s drugim turističkim zajednicama.

32. Na 19. sjednici Gradskog vijeća Grada Sarajeva, održanoj dana 05.10.2022. godine, zamjenik predsjedavajućeg Gradskog vijeća Grada Sarajeva Dragan Stevanović uputio je inicijativu kojom traži da Grad Sarajevo, u saradnji s Turističkom zajednicom Kantona Sarajevo, inicira postavljanje panoa kojima će se upućivati građani i turisti ka nacionalnim spomenicima Bosne i Hercegovine iz osmanskog, austrougarskog i perioda moderne.

Odgovor:

Navedena inicijativa proslijeđena je Turističkoj zajednici Kantona Sarajevo.

U prilogu dostavljamo odgovor Turističke zajednice Kantona Sarajevo, broj: 1308-1/22 od 17.11.2022. godine.

33. Odbor za javne službe, infrastrukturu i javni saobraćaj Gradskog vijeća Grada Sarajeva, na 19. sjednici održanoj dana 07.11.2022. godine, uputio je inicijativu sljedećeg sadržaja:

„Odbor za javne službe, infrastrukturu i javni saobraćaj upućuje inicijativu gradonačelnici da poduzme sve potrebno da se redovno održavanje vodotoka iz nadležnosti Grada Sarajeva organizira u vidu javne službe Grada Sarajeva koja će kontinuirano raditi na redovnom održavanju vodotoka.“

Odgovor:

Grad Sarajevo će Vašu inicijativu proslijediti Ministarstvu privrede Kantona Sarajevo kao nadležnom ministarstvu za ovu oblast.

34. Na 20. sjednici Gradskog vijeća Grada Sarajeva, održanoj dana 26.10.2022. godine, gradski vijećnik Vedad Deljković uputio je inicijativu sljedećeg sadržaja:

„Da Grad Sarajevo izdvoji sredstva za nabavku velike nape za potrebe praktične nastave učenika Srednje ugostiteljsko-turističke škole Sarajevo.“

Obrazloženje:

„Sredstva je potrebno izdvojiti za nabavku opreme koja će pomoći učenicima u sticanju znanja iz praktične nastave, posebno ako se uzme u obzir da se radi o zanimanjima koja su potrebna za razvoj turizma u Gradu Sarajevu.“

Odgovor:

Gradska služba za obrazovanje, sport, kulturu i mlade uputila je prijedlog za uvrštavanje u rebalans Budžeta Grada Sarajeva za 2022. godinu.

35. Na 20. sjednici Gradskog vijeća Grada Sarajeva, održanoj dana 26.10.2022. godine, gradski vijećnik Vedad Deljković uputio je inicijativu sljedećeg sadržaja:

„Da Grad Sarajevo izdvoji sredstva za kupovinu jednog kombija za potrebe Odbojkaškog kluba invalida OKI Fantomi.“

Obrazloženje:

„Svima su poznati rezultati Odbojkaškog kluba „Fantomi“ te molim da se inicijativa čim prije realizira, posebno imajući u vidu činjenicu da je klub za odlazak na Evropsko prvenstvo u Italiju morao unajmiti kombi vozilo, a na istom prvenstvu ostvario je fantastičan rezultat – prvak Evrope.

Sredstva je potrebno izdvojiti za kupovinu polovnog kombija starosti između 5-7 godina, a koji bi omogućio sigurno putovanje i učešće na svim takmičenjima u zemlji i inostranstvu.“

Odgovor:

Gradska služba za obrazovanje, sport, kulturu i mlade uputila je prijedlog za uvrštavanje u rebalans Budžeta Grada Sarajeva za 2022. godinu.

36. Na 20. sjednici Gradskog vijeća Grada Sarajeva, održanoj dana 26.09.2022. godine, gradski vijećnik Željko Majstorović uputio je inicijativu sljedećeg sadržaja:

„Predložiti nadležnim organima da pronađu i odobre četiri do pet lokacija na dijelu Trebevića koji pripada Gradu Sarajevo za izgradnju manjih ugostiteljskih objekata gdje bi posjetioci Trebevića mogli da svrate i odmore.

Obrazloženje: Na dijelu Trebevića koji pripada Istočnom Sarajevu se odavno grade turistički objekti (od restorana Bob s zapadne strane entitetske granice pa do Brusa i „Trebevićkog Raja“ s istočne strane). Osim toga, postoji još četiri-pet aktivnih gradilišta, što će još više pojačati turističku ponudu na ovoj planini. Naravno, tu svraćaju i svraćat će građani.“

Odgovor:

U Planu upravljanja zaštićenim pejzažem „Trebević“ („Službene novine Kantona Sarajevo“, broj 25/17), u tački 5.1. *Opće mjere za sve zone i za sve ciljne grupe* navedeno je sljedeće: „Zabranjuje se gradnja novih objekata koji nisu u funkciji očuvanja područja. Postojeći objekti (osim dolazne stanice žičare) obnavljaju se u istim gabaritima kao što su nekada i bili. Namjena ovakvih objekata ne smije se promijeniti, izuzev postojećih objekata u Zoni III, te prenamjene objekta za potrebe KJUzZPPKS.“

Shodno navedenom, a obzirom da je dio planine Trebević koji teritorijalno pripada Federaciji Bosne i Hercegovine u cijelosti proglašen zaštićenim pejzažom, gradnja na ovom području nije dozvoljena te Inicijativa vijećnika Željka Majstorovića ne može biti prosljeđena na daljnje postupanje.

37. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, podnosim vijećničko pitanje da se dostavi informacija o utrošku sredstava za vjerske zajednice za 2022. godinu.“

Odgovor:

Gradsko vijeće Grada Sarajeva, na svojoj 20. sjednici održanoj dana 26.10.2022. godine, primilo je k znanju Informaciju o saradnji i odnosima organa Grada Sarajeva sa vjerskim zajednicama i crkvama, u kojoj su, između ostalog, sadržani podaci o raspodjeli i namjeni sredstava Budžeta Grada Sarajeva za 2022. godinu sa pozicije 614300: Tekući transferi neprofitnim organizacijama: Sredstva za vjerske zajednice i crkve, u iznosu od 100.000,00 KM.

Imajući u vidu da je Gradsko vijeće Grada Sarajeva podržalo inicijativu, Komisija za odnose s vjerskim zajednicama i crkvama – da se u Budžetu Grada Sarajeva za 2023. godinu planiraju sredstva u visini od 5.000,00 KM za podršku radu Međureligijskog vijeća BiH, te da je navedena inicijativa postala inicijativom Gradskog vijeća (broj: 14-04-8274/22), nadležna Služba finansija, u skladu sa svojim djelokrugom, treba da realizuje navedenu inicijativu i uvrsti korisnika i iznos u Budžet Grada Sarajeva za 2023. godinu.

38. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika o radu Gradskog vijeća Grada Sarajeva podnosim vijećničko pitanje da mi se dostavi informacija koliki je procenat realizovanih vijećničkih inicijativa u 2022. godini.”

Odgovor:

S tim u vezi, obavještavamo Vas o sljedećem:

- Programom rada Gradskog vijeća Grada Sarajeva za 2022. godinu, broj: 01-GV-02-1776/21 od 29.12.2021. godine, za mjesec juli planirano je razmatranje Informacije o realizaciji vijećničkih pitanja i inicijativa za tekuću godinu. Navedena informacija sadrži pregled odgovora na vijećnička pitanja i realizaciju inicijativa.
- Stručna služba za poslove kabineta i poslove Gradske uprave sačinila je Informaciju o realizaciji vijećničkih pitanja i inicijativa za tekuću godinu koja sadrži pregled odgovora na vijećnička pitanja i realizaciju inicijativa, a ista je primljena k znanju na 18. sjednici Gradskog vijeća Grada Sarajeva, održanoj dana 26.07.2022. godine.
- Kako je predmetna informacije u 2022. godini obuhvatala samo period od šest mjeseci, Programom rada Gradskog vijeća Grada Sarajeva za 2023. godinu, planirano je da se navedena informacija realizuje dva puta u toku godine, i to u mjesecu januaru i julu, a u cilju što kvalitetnijeg informiranja Gradskog vijeća Grada Sarajeva o realizaciji vijećničkih pitanja i inicijativa.
- Obzirom na navedeno, Stručna služba za poslove kabineta i poslove Gradske uprave pripremit će Informaciju o realizaciji vijećničkih pitanja i inicijativa kako je to planirano Programom rada Gradskog vijeća Grada Sarajeva za 2023. godinu.

39. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, podnosim vijećničko pitanje da se dostavi informacija o finansiranju svih sportskih manifestacija od interesa za Grad Sarajevo.“

Odgovor:

Programom rada GV planirano je da se u martu mjesecu 2023. godine podnosi Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2022. godini.

Pravni osnov je Odluka o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo“, broj 10/19), donesena od strane Gradskog vijeća Grada Sarajeva.

40. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, podnosim vijećničko pitanje da mi se dostavi informacija o projektu rekonstrukcije, restauracije i kolorističke obnove fasada na području grada Sarajeva za 2022. godinu.”

Odgovor:

Cijeneci Vaše pitanje, u nastavku Vas obavještavamo o poduzetim aktivnostima u okviru Projekta rekonstrukcije, restauracije i kolorističke obnove fasada u gradu Sarajevu u 2022. godini.

Gradska Služba za urbano planiranje, investicijske, stambene i komunalne poslove je u toku 2022. godine pripremila projektnu dokumentaciju za obnovu fasada kulturno-historijskih objekata na sljedećim adresama:

- ul. Maršala Tita br. 29,
- ul. Maršala Tita br. 27,
- ugao ulica Maršala Tita 33 i Kaptol 1,
- ul. Maršala Tita br. 21,
- ul. Maršala Tita br. 19,
- ugao ulica Maršala Tita 17 i Prušćakovu 2-4 i
- ul. Hamdije Kreševljakovića br. 55, JU Srednja škola poljoprivrede, prehrane, veterine i uslužnih djelatnosti Sarajevo.

Za prva tri iznad navedena objekta pribavljene su sve potrebne saglasnosti. U toku je izvođenje radova na fasadi objekta u ul. Maršala Tita br. 29, dok je za objekte u ul. Maršala Tita na broju 27 i 33 te Kaptol br. 1, raspisan Javni poziv za odabir izvođača radova. Izvođenje radova na ovim objektima očekuje se u građevinskoj sezoni 2023. godine.

U toku je pribavljanje nedostajućih saglasnosti za preostale iznad pobrojane objekte, nakon čega će se poduzeti koraci ka realizaciji sanacije ovih fasada.

Realizacija sanacije i restauracije fasade nekadašnje „Prve ženske gimnazije u Sarajevu“, današnje JU Srednja škola poljoprivrede, prehrane, veterine i uslužnih djelatnosti Sarajevo, planirana je u 2023. godini ukoliko se osiguraju neophodna dodatna finansijska sredstva.

Kada je u pitanju sanacija fasade još jednog nacionalnog spomenika BiH – „Gospođicina kuća“, planiran je nastavak aktivnosti u skladu sa Mišljenjem Komisije za očuvanje nacionalnih spomenika.

Važno je naglasiti da se na sve navedene objekte primjenjuju Odluke Komisije za očuvanje nacionalnih spomenika te su time ponekad i složeniji postupci za pribavljanje određenih saglasnosti.

Grad Sarajevo, iako ne raspolaže velikim budžetom, nastoji da obnovi fasade na što većem broju kulturno-historijskih objekata i time nastavlja dosadašnju praksu sanacije fasada koje predstavljaju kulturno-historijsko naslijeđe našeg grada.

41. Na 21. sjednici Gradskog vijeća Grada Sarajeva, održanoj dana 30.11.2022. godine, Odbor za društvene djelatnosti uputio je inicijativu sljedećeg sadržaja:

„Odbor za društvene djelatnosti upućuje inicijativu Gradskom vijeću Grada Sarajeva da Grad Sarajevo podrži već pokrenutu inicijativu „Niko gladan niko sam“ za ukidanje PDV-a na donaciju hrane, te uputi inicijativu nadležnim organima i za izostavljanje PDV-a iz važećih propisa za druge donacije koje su u funkciji zdravlja i drugih humanitarnih potreba.“

Odgovor:

U vezi inicijative Odbora društvene djelatnosti, a koja je prihvaćena od strane Gradskog vijeća, te time postala inicijativa Gradskog vijeća, da Grad Sarajevo podrži već pokrenutu inicijativu Niko gladan, niko sam, za ukidanje PDV-a na doniranu hranu, ovim putem Vas obavještavam da je o navedenom informirana Fondacija Mozaik koja vodi kampanju „Niko gladan, niko sam“, zajedno sa partnerima. Fondacija se zahvalila Gradu Sarajevu

42. Na 21. sjednici Gradskog vijeća Grada Sarajeva, održanoj dana 30.11.2022. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:

„Potrebno je da Grad Sarajevo, u saradnji sa Općinom Novo Sarajevo, bude nosilac izgradnje tematskog dječjeg parka na području općine Novo Sarajevo.“

Odgovor:

Grad Sarajevo će organizovati sastanak sa nadležnom službom Općine Novo Sarajevo kako bi razmotrio ovu inicijativu, ispitao postojanje adekvatne lokacije za tematski dječji park, procijenio potrebna finansijska sredstva, te utvrdio da li se inicijativa može realizovati u skladu sa budžetom Grada Sarajeva za 2023. godinu, kada isti bude usvojen.

43. Na 21. sjednici Gradskog vijeća Grada Sarajeva, održanoj dana 30.11.2022. godine, predsjedavajući Gradskog vijeća Jasmin Ademović uputio je inicijativu sljedećeg sadržaja:

„Potrebno je da gradonačelnica informiše Gradsko vijeće o svim preprekama s kojima se susreće pri realizaciji gradskih projekata od strane nadležnih organa gradskih općina, Kantona Sarajvo, Federacije Bosne i Hercegovine i Bosne i Hercegovine, te eventualn drugih subjekata“.

Odgovor:

Grad Sarajevo kao jedinica lokalne samouprave u svom radu, pogotovo u poslovima vezanim da djelokrug rada Službe za urbano planiranje, investicijske, stambene i komunalne poslove, usko saraduje i ovisi o drugim nivoima vlasti. Pored problema usporenosti rada administracija drugih nivoa vlasti u rješavanju naših zahtjeva, problema rješavanja imovinsko-pravnih odnosa, dobivanja potrebnih saglasnosti imaoca komunalne infrastrukture, kao jedan od najvećih problema možemo istaći rad sa Komisijom za očuvanje nacionalnih spomenika BiH, a obzirom na Odluku o proglašenju nacionalnog spomenika „Historijski urbani krajolik Sarajevo“ (Odluka o proglašenju historijskog urbanog krajolika Sarajeva nacionalnim spomenikom BiH – Službeni glasnik BiH, br. 1/21 i 10/21) koja ograničava kako radove na sanaciji, tako i na rekonstrukciji, investicionom održavanju i sličnim projektima.

Kao primjer ističemo: Radove na sanaciji i čišćenju Ramića potoka, Radovi na tekućem održavanju spomenika Vječna vatra, lokacija za postavljanje spomenika bosanskom Kralju Tvrtku I Kotromaniću.

44. Na 21. sjednici Gradskog vijeća Grada Sarajeva, održanoj dana 30.11.2022. godine, predsjedavajući Gradskog vijeća Grada Sarajeva Jasmin Ademović uputio je vijećničko pitanje sljedećeg sadržaja:

„Šta se dešava sa kasarnom Jajce? Da li imamo neke naznake šta će se dešavati u budućnosti, s obzirom da Grad Sarajevo, to jeste Javno preduzeće „Sarajevo“ d.o.o. upravlja ovim kompleksom, a objekat je u sve lošijem stanju?

Odgovor:

Odlukom Vlade Federacije, od 25.04.2019. godine, Gradu Sarajevu je data na privremeno korištenje kasarna Jajce na period od 49 godina („Službene novine Federacije BiH“, broj 29/19). Odlukom o proglašenju Graditeljske cjeline – Jajce Kasarna nacionalnim spomenikom BiH („Službene novine Federacije BiH“, br. 94/09, 48/13,1/21,7/21), propisano je da se graditeljska cjelina može koristiti u ugostiteljske, obrazovne i kulturne svrhe, odnosno na način koji neće ugroziti integritet cjeline i njegovo značenje u strukturi grada, a njeni prostori bit će otvoreni i dostupni javnosti.

Grad Sarajevo je u proteklom periodu poduzeo niz aktivnosti u cilju zaštite ovog nacionalnog spomenika BiH. Izvršeno je čišćenje kompleksa kasarne te je uklonjena velika količina smeća, samoniklo rastinje i stabla unutar kompleksa. Urađena su geodetska snimanja, inženjersko-geološki istražni radovi te arhitektonska snimanja postojećeg stanja kompleksa. Urađena je i Studija – Konstruktivno stanje kompleksa svih objekata i bedema kasarne Jajce. S obzirom da je postojeći objekat u ruševnom stanju, Studijom je predviđeno da se zadržavaju samo vanjski fasadni zidovi objekata sa južne, istočne i zapadne strane. Nakon urađenih studija i elaborata, analizom stanja objekta, a uzimajući u obzir potrebne intervencije na konstruktivnim elementima, obnovu nije moguće izvršiti bez djelomičnog rušenja.

Na osnovu prethodno urađenih analiza koje obrađuju potencijalne mogućnosti kompleksa, građevinska investicija se procjenjuje na cca 48 miliona KM, a vrijednost investiciono-tehničke dokumentacije procjenjuje se na iznos cca 1,4 – 1,9 miliona KM.

45. Na 21. sjednici Gradskog vijeća Grada Sarajeva, održanoj dana 30.11.2022. godine, gradska vijećnica Enisa Spahić uputila je vijećničko pitanje sljedećeg sadržaja:

„Shodno odredbama člana 26. stav 1. točka 2. Statuta Grada Sarajeva („Službene novine Kantona Sarajevo“, broj 34/08) i članom 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), upućujem inicijativu za povećanje zaštite i sigurnosti u saobraćaju. Svjedoci smo sve većeg broja saobraćajnih nesreća u gradu u kojima stradaju pješaci, među kojima je sve veći broj djece. Kako bi povećali saobraćajnu sigurnost naših sugrađana, posebno onih najmlađih na najugroženijim pješačkim prijelazima, s posebnim naglaskom na pješačke prijelaze u blizini osnovnih škola, predškolskih ustanova i na najprometnijim pravcima kroz grad, molim da nadležne stručne službe razmotre mogućnost primjene savremenih, tehničkih metoda preventivnog djelovanja postavljanja kamera za nadzor brzine, postavljanjem LED markera na pješački prijelaz i pametnih pješačkih prijelaza – senzori pokreta detektuju pješaka, potom se na pješačkom prijelazu počinju neizmjenično paliti ugrađene LED diode alarmirajući vozače da uspore i da budu oprezniji kako bi zaštitili sve učesnike u saobraćaju...

Odgovor:

Vaša inicijativa će biti proslijeđena Ministarstvu saobraćaja Kantona Sarajevo na daljnje postupanje, s obzirom da regulacija saobraćaja nije u nadležnosti Grada Sarajeva.

46. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Željko Majstorović uputio je vijećničke inicijative sljedećeg sadržaja:

- „Određivanje prioriteta za ostvarivanje osnovnih postavki Održivog razvoja na teritoriji Grada Sarajeva i šire, a na osnovu ciljeva predloženih u Nacionalnom planu prilagodbe klimatskim promjenama.
- **Obrazloženje:** 26.10.22. Vijeće ministara BiH je usvojilo Nacionalni plan prilagodbe na posljedice klimatskih promjena NAP. Time je ostvaren jedan od ciljeva predviđenih Pariškim sporazumom o klimatskim promjenama. Na osnovu njega biće olakšan pristup finansiranju projekata iz fondova Pariškog sporazuma i EU. S obzirom da se radi o veoma opsežnom dokumentu (preko 560 stranica), razumno bi bilo odrediti prioritete za projekte potrebne gradu.“

Odgovor:

U vezi inicijative gradskog vijećnika Željka Majstorovića za određivanje prioriteta za ostvarivanje osnovnih postavki održivog razvoja na teritoriji Grada Sarajeva i šire, na osnovu principa predloženih u Nacionalnom planu prilagodbe klimatskim promjenama, ovim putem Vas obavještavam da Gradska služba za održivi razvoj u planiranju svojih aktivnosti za 2023. godinu uzima u obzir sve relevantne dokumente, uključujući i gore spomenuti Nacionalni plan prilagodbe klimatskim promjenama. Kao i u prethodnom periodu, rad Gradske službe za održivi razvoj bit će fokusiran na maksimalno korištenje EU i drugih fondova, a sve sa ciljem pozitivnih promjena u našoj zajednici.

- „Subvencioniranje prelaska na plin motornih vozila u gradu.
Obrazloženje: S obzirom da su motorna vozila (s obzirom na njihov broj koji neprestano raste) glavni zagađivači zraka u gradu, prelaskom benzinskih vozila na plin smanjili bi se problemi zagađivanja zraka.“

Odgovor:

U vezi inicijative gradskog vijećnika Željka Majstorovića za subvencioniranje prelaska na plin motornih vozila u gradu sa ciljem smanjenja zagađenja zraka, smatramo da je inicijativa smisljena i poželjna, ali obzirom na simboličan Budžet Grada Sarajeva da se ne bi mogla adekvatno provesti, već je istu potrebno uputiti drugim nivoima vlasti. Svakako, ova inicijativa će biti uzeta u obzir kod apliciranja na relevantne fondove.

47. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Željko Majstorović uputio je inicijativu sljedećeg sadržaja:

„Određivanje prioriteta za ostvarivanje osnovnih postavki Održivog razvoja na teritoriji Grada Sarajeva i šire, a na osnovu ciljeva predloženih u Nacionalnom planu prilagodbe klimatskim promjenama.

Obrazloženje: 26.10.2022. Vijeće ministara BiH usvojilo je Nacionalni plan prilagodbe na posljedice klimatskih promjena NAP. Time je ostvaren jedan od ciljeva predviđenih Pariškim sporazumom o klimatskim promjenama. Na osnovu njega bit će olakšan pristup finansiranju projekata iz fondova Pariškog sporazuma i EU. S obzirom da se radi o veoma opsežnom dokumentu (preko 560 stranica), razumno bi bilo odrediti prioritete za projekte potrebne gradu.“

Odgovor:

Grad Sarajevo će razmotriti inicijativu vezanu za Plan prilagođavanja na klimatske promjene BiH (NAP), te obzirom da se radi o sveobuhvatnom dokumentu kojeg su sačinili prije svega domaći stručnjaci u direktnoj koordinaciji sa nadležnim entitetskim i institucijama Brčko Distrikta BiH, isti analizirati i pokušati pomoći provedbi istog.

48. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Željko Majstorović uputio je inicijativu sljedećeg sadržaja:

„Subvencioniranje prelaska na plin motornih vozila u gradu.

Obrazloženje: S obzirom da su motorna vozila (s obzirom na njihov broj koji neprestano raste) glavni zagađivači zraka u gradu, prelaskom benzinskih vozila na plin, smanjili bi se problemi zagađivanja zraka.“

Odgovor:

Inicijativa vezana za subvenciju prelaska na plin motornih vozila u gradu, proslijedena je Ministarstvu saobraćaja Kantona Sarajevo.

Pregled odgovora na vijećnička pitanja i inicijative koje su upućene na ranijim sjednicama Gradskog vijeća Grada Sarajeva, a čiji su odgovori pristigli u toku sačinjavanja informacije, kako slijedi:

1. Na 12. sjednici Gradskog vijeća Grada Sarajeva, održanoj dana 23.02.2022. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:

„Potrebno je da Grad Sarajevo, u što kraćem roku poduzme mjere i aktivnosti da se izvrši provjera diploma svih uposlenih u administraciji Grada Sarajeva, Pravobranilaštvu Grada Sarajeva, javnim preduzećima „Sarajevo“ d.o.o. i „Olimpijski bazen Otoka“ d.o.o., te u Javnoj ustanovi „Gradski Muzeji“ d.o.o.“

Odgovor:

Navedena inicijativa proslijedena je JP „Sarajevo“ d.o.o., JP „Olimpijski bazen Otoka“ d.o.o., JU „Gradski Muzeji“ Sarajevo i Gradskoj službi za opću upravu i zajedničke poslove.

JP „Sarajevo“ d.o.o. svojim dopisom broj: 01-05-1772/22 od 15.09.2022. godine dostavilo je odgovor na navedenu inicijativu koji se nalazi u prilogu.

2. Na 4. sjednici Gradskog vijeća Grada Sarajeva, održanoj dana 19.07.2021. godine, gradska vijećnica Marijela Hašimbegović uputila je inicijativu za zajedničko djelovanje po pitanju podnošenja zahtjeva prema Kantonu radi izmjena Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva.

Gradsko vijeće Grada Sarajeva podržalo je podnesenu inicijativu te je ona postala inicijativom Gradskog vijeća.

Odgovor:

Navedena inicijativa upućena je Vladi Kantona Sarajevo. Ministarstvo zdravstva Kantona Sarajevo 21.04.2022. godine prosljedilo je navedenu inicijativu Zavodu zdravstvenog osiguranja Kantona Sarajevo na nadležno postupanje.

Zavod zdravstvenog osiguranja Kantona Sarajevo, dana 06.06.2022. godine, dostavio je obavijest da će stručne službe Zavoda na prvu narednu redovnu sjednicu Upravnog odbora uputiti radni materijal sa zahtjevom za izmjene i dopune Uredbe.

Aktom broj: 01-33-5-16567/22 od 19.10.2022. godine, Zavod je obavijestio Grad Sarajevo da je inicijativa usvojena i vraćena Ministarstvu zdravstva KS na daljnje postupanje.

Ministarstvo zdravstva Kantona Sarajevo obavijestilo je Zavod zdravstvenog osiguranja KS o izmjenama navedene Uredbe u skladu s inicijativom vijećnice Marijele Hašimbegović koja je objavljena u „Službenim novinama Kantona Sarajevo“, broj 42/22 od 20.10.2022. godine.

- 3. Na 12. sjednici Gradskog vijeća Grada Sarajeva, održanoj dana 23.02.2022. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:**

„Potrebno je da Grad Sarajevo, u što kraćem roku poduzme mjere i aktivnosti da se izvrši provjera diploma svih uposlenih u administraciji Grada Sarajeva, Pravobranilaštvu Grada Sarajeva, javnim preduzećima „Sarajevo“ d.o.o. i „Olimpijski bazen Otoka“ d.o.o., te u Javnoj ustanovi „Gradski Muzeji“ d.o.o.“

Odgovor:

Navedena inicijativa prosljeđena je JP „Sarajevo“ d.o.o., JP „Olimpijski bazen Otoka“ d.o.o., JU „Gradski Muzeji“ Sarajevo i Gradskoj službi za opću upravu i zajedničke poslove.

JP „Olimpijski bazen Otoka“ d.o.o., svojim dopisom broj: 07-1308-1/22 od 26.09.2022. godine, dostavilo je odgovor na navedenu inicijativu koji se nalazi u prilogu.

- 4. Na 12. sjednici Gradskog vijeća Grada Sarajeva, održanoj dana 12.04.2022. godine, u funkciji pripreme 19. sjednice Gradskog vijeća Grada Sarajeva, Odbor za lokalni biznis i turizam Gradskog vijeća Grada Sarajeva, razmatrao je (pod Tačkom 2. „Tekuća pitanja“), te podnio Gradskom vijeću Grada Sarajeva inicijativu sljedećeg sadržaja:**

„Potrebno je da Grad Sarajevo uputi inicijativu nadležnim organima Kantona Sarajevo da se u potrebnoj mjeri postave ulične korpe za otpatke na frekventnim pješačkim pravcima na području grada.“

Odgovor:

S tim u vezi, obavještavamo Vas da je će Grad Sarajevo uputiti inicijativu nadležnim organima Kantona Sarajevo da se u potrebnoj mjeri postave ulične korpe za otpatke na frekventnim pješačkim pravcima na području grada.

- 5. Odgovor na Vijećničko pitanje**

Veza akt broj 01-GV-02-1062-1/22 od 29.06.2022. godine i akt broj 01/09-04-4122-1/22 od 22.07.2022.

U skladu sa ranijim odgovorom na vijećničko pitanje za dostavu informacije o postojanju ovlaštene i certificirane firme za prikupljanje građevinskog otpada koji sadržava azbest na

području grada Sarajeva odnosno u Kantonu Sarajevo, u prilogu dostavljamo odgovor Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

6. Na 16. sjednici Gradskog vijeća Grada Sarajeva, održanoj dana 01.06.2022. godine, gradska vijećnica Danijela Šahat uputila je vijećničku inicijativu sljedećeg sadržaja:

„Zadužuje se gradonačelnica da, u vezi navoda budžetskog inspektorata iz Izvještaja, zatraži informaciju od Upravnog inspektorata Kantona Sarajevo o statusu ispitivanja zakonitosti upošljavanja savjetnika gradonačelnika, te njihovo preuzimanje iz Općine Trnovo u Gradu Sarajevo i o tome obavijesti Gradsko vijeće.“

Odgovor:

Navedena inicijativa proslijeđena je Upravnom inspektoratu Ministarstva pravde i uprave Kantona Sarajevo.

Tražene informacije, odnosno odgovor dostavljamo u prilogu ovog akta.

III ZAKLJUČAK

Sa 17., 18., 19., 20 i 21. sjednice Gradskog vijeća Grada Sarajeva gradonačelnici Grada Sarajeva dostavljeno je 15 pitanja i 94 inicijative, dakle, ukupno 109 pitanje i inicijativa, na što je odgovoreno u 54 slučaja, uključujući odgovore na vijećnička pitanja i inicijative sa ranijih sjednica Gradskog vijeća Grada Sarajeva.

Potrebno je istaći da se pitanja iz određene oblasti interesovanja ponavljaju, a razlozi su opravdani ukoliko na iste ne pristignu odgovori, a što se posebno odnosi na slučajeve kada su pitanja i inicijative upućene prema drugom subjektu, odnosno na tzv. „vanjske“ adrese, tako da se u konačnici, a uzevši u obzir prethodno postupanje u odnosu na predmet ove informacije, može smatrati i više nego zadovoljavajuće.

Obzirom na navedeno, može se konstatovati da je proces izvršenja u većoj mjeri zastupljen pozitivno. Postavljena pitanja, upućene inicijative i dostavljeni odgovori dokazuju aktivnost i efikasnost u radu svih nadležnih organa Grada Sarajeva, a što podrazumijeva aktivnosti gradskih vijećnika Gradskog vijeća Grada Sarajeva i u vezi sa navedenim postupanje gradonačelnice Grada Sarajeva da putem gradskih službi za upravu i stručnih službi na postavljena pitanja i iznesene inicijative pravovremeno i adekvatno reaguje dostavljanjem odgovora Gradskom vijeću Grada Sarajeva, odnosno postupanjem po iznesenim inicijativama gradskih vijećnika, odnosno Gradskog vijeća Grada Sarajeva.